


مکتبہ عربیہ اسلامیہ

۱۸ نجی سنہ

۱۵ صفر ۱۳۱۵

جزو، عدد : ۶۴



تعريفات سيّد

(ما بعد عن جزء ٦٢)

ابدال :

تلفظه کی ثقاتی ازاله ایچون بر حرفی دیگرینک بدل ومقامنه کتورمک .
مثلا ابدالک اعلال شکلنده اولان نوعنده (بیع) فعل ماضیسنک (یا) حرف عاتی
رینه (الف) کتوریلهرک (باع) شکلنه ، کذا (اصیلل) ده کی لام اخیر بدلنه
(ن) اقامه سیله (اصیلان) ویا (اهل) کله سنک (هاء) حرفی (الف) ایله مبادله
ایدیلهرک (آل) هیئتته قونمشدر . فقط حروف هجانک عمومی یکدیگری مقامنه
یکجوریله من یعنی ابدال قاعده می کافه حروفده جاری دکلدر . ذاتاً تعریفده مندرج
اولان قیود بو ذهابه مانعدر . (اعلال) کله سنه مراجعت

آبق :

مالکندن قصداً فرار ایدن مملوک . یعنی هیچ بر صورتله تهدید التنده بولمیدنی ،
خدمتنجه بر گونه شکایتی ، اضطرابی اولمیدنی حالده مجرد هوا سنه تبعیتله افریسنندن
قاچان قول .

مستأجر ویا مستعیردن کندیلرینه تودیع اولغش اولان اشخاصدن ویا بوکما
مائل ذوات نزدندن فرار ایدن مملوکه دخی (آبق) دینسنه گوره مؤلفک (مالکندن)
تعبیرله اکتفا ایلمی منظور فیسه گوریلان مکرکه (مالک) تعبیری اوته کیلره دخی
تعمیم اولنه .

افرینندن مجرد هوا سنه تبعاً قاچش اولان بر قوله تصادف اولمیدنی زمان
— ضایع اوله جغندن قورقیلورسه — تصادف ایدن شخص مملوکی اخذ وتوقیف

ایلك مكلفیت شرعیہ سی تحتہ گیر . كندی حسابنه توقیف ایلسی قطعاً ممنوعدر .
ضیاعندن قورقلمدینی حالد ضبط و توقیفه دخی اقتدارى مساعد اولورسه كه شق
اولده دخی بوقیدك ملاحظه سی طبعیدر ، منع فرار ایله افندیسنه اعاده اولمق
اوزره اخذ و توقیفی نظر شرعده مستلزم اجر و ممدوحیت اولور .

مولاسنه اعاده اولمق اوزره توقیف اولسان مملوك حقنده بر شخص چیقوبده
(بنم مملوكدر) دعواسنی ایدرسه اثبات مدعی ایچون اقامه حجت و برهانه دعوت
اولنور . مدعی بوقا قدرتیاب اولورسه ، تنسیب ایلدیگی تقدیرده - چونكه
مدعی صفتیه بر شخص آخرك دها چیقمنی ملحوظ اولدیغندن ، كفیل آلمق
صورتیه مملوك تسلیم اولنور . كذا حاكم مثلاً بیع و هبه طریقیه ملكیتدن
چیقارلامش اولدیغنه مدعی بی تحلیف ایدرك مملوكی اعاده ایدیبیلیر . اگر مملوكی
صاحب صفتیه طلب ایدن شخص اثبات مدعايه مقتدر اوله مازسه ، لكن مملوك
بو شخصك ملكیتده اولدیغنی اقرار ایلرسه ، یا خود مدعی مملوكك اوصاف
و علامات مخصوصه سی بیان و تعریف ایدرسه ، كذلك كفالته ربط اولمق صورتیه
كندوسنه اعاده اولنور . صاحب مملوك شرعاً تأدییه سی لازم گلان اجرت و مصرفدن
قورتلق ایچون (اباق) وقوعی انكار ایلدیگی حالد - كرك فرار و قوعنی ، كرك
بو جهجه صاحب مملوكك اقرارینی اثباته مدار اوله جق برهین شرعیه اقامه
اولنه مازسه ، مدعی بونك ایچون تحلیف اولنور .

مملوكك صاحبی گنجیه قدر مدت مدیده كچرسه ، حتی قاضی اولان ذات
صاحبك زرده اولدیغنی بیاسه دخی - نفقه نك ترایدی سببیه صاحب مملوكه ضرر
ترتب ایتمك ایچون مملوكی صاته بیلیر . ائمان حاصله سندن بو مدت ظرفنده مملوكی
اعاشه ایچون وقوع بولان مصرفه معادل مقدار چیقارلدقن صكره متباقی ائمان
صاحبنه ویرلك اوزره حفظ اولنور .

بو وجهله مملوك صاتیهلرق ائمانی در دست و حفظ اولندقدن صكره صاحبی
گلوب اثبات مدعی ایلر و یا علامات و اوصاف مخصوصه سی بیان ایدرسه بدل متباقی
كندوسنه ویریلیركه ، حاكم طرفندن ایفا ایتدیریلان بیع و فروخت معامله سی نقض

ایتمکه مقتدر اوله من . لکن ابوالسعود مرحومک معروضاتنده (دأر دده کورلدیگی وجهله) جهت عسکریه منسوب ذواتک فرار ایدن مملوکاری بیع ایتمکدن قضانک اراده سنیه پادشاهیه منع اولدوقلری محرردر . بوحالده او قبیل فراریلرک بیعی جائز اوله من . شاید صاتلش ایسه مشترینک لندن آلفه ، بونلر دخی ویردکاری آچهنی استرداد ایچون بایعه مراجعت ایتمکه حققلری اولور . دیگر صنوف اهالیدن برینک مملوکی غبن فاحش ایله بیع اولنمش ایسه حال ینه بویله در . یعنی مشترینک لندن آلفه صلاحیتلری واردر . غبن فاحشه (مراجعت) ثابت اولمزسه بدنی آلفه اکتفایه مجبور اولورلر . (احکام فقهیه سائر ایچون کتب فقهیه و نظاماته متعلق احکام ایچون دخی قوانین دولته مراجعت اوله .)

ابن :

نوع خاصندن اولان دیگر بر شخصک نطفه سندن طوغان حیوان .
ابن مدلولی (اب) کبی حقایق اضافیه دندر . یعنی بری ملاحظیه آلدیغی حالده اونکی دخی مطلقا متقل و ملاحظه اولنق ضروریدر .

(ابن) ک اصل بنی و یا بنو و جمعی ابناء در . بعض اصحاب لغتجه ابن ک اصلی بنادن مأخوذدرکه بوقولی ابک تمله . ابنک آکا استاد ایلان بنایه تشبیه اولنه گلمسی دخی تأیید ایلر . استعاره طریقیله بیوکلردن کوچکلره خطاباً : و اکثر یا صیغه تصغیر ایله (یابی) دینور . بنی اسرائیل پیغمبرلری دخی امتلرینه (ابناء) تسمیه ایدرلردی . بعض یرلرده ابن ایله صاحب معناسی کنایه اولنور . عربک : ابن عرس ، ابن ماء بنت وردان ، بنات نعش سوزلری بو قبیلدندر .

تربیه و تعلیم جهتندن و یا ملازمت سببیه دخی بر شخصه (ابن) دینور . فصلکه حضرت عیسانک واجب تعالی یه فرط مراقبه و توجه مطلق و خاصنه مبنی کندولرینه ابن اطلاق اولمشدر . ابنک معنای حقیقیسی ولد صابی دیمکدر . مفرد صیغه سیله (اولدا) و جمع صیغه سیله (اولادا) دخی بومعنائی حازدر . فقط عرف و اصطلاحده اولاد اولادینه ابن اطلاق مجاز عد اولنور . بو جهته درکه ، تعبیر عربیسیله : « لیس ولدی بل ولد ولدی و لیس ابی بل ابن ابی » دیمک صحیح کوریلور . و حقیقهده استعمال

اولدینی زمان معنای حقیقتینک مقصود اولدیغنی بیلدیرمه جک بر قرینه صارقه ناک وجودی اقتضا ایلر .

ابن کلهسی ایکی علم و کتیه و لقب مشهورک آراسنده صفت موقعی طوتارسه خطاده و تلفظه الف خذف اولنور . و بعد الحذف ساکن قالان ابا ، چونکه ساکن ایله ابتدا متعذر اولدیغندن - تلفظه مدار اولق ایچون مابلنده کی حرکتیه استناد ایتدیریلور . تنبیه صیغه سنده ایراد اولدینی و بعضی نجه دخی سطر باشلرنده واقع اولدینی زمان الف اثبات اولنور .

ایسک اب اوزرنده موجود اولان حقوق شرعی سندن کث مهمی حق تعلیم و تربیه در . بو حق شرعی تناسل عمومینک وجوبنه تفرع ایدن دوام جمعیت مقصدینی قرین عبث اولمقدن صیانت و محافظه راجع اولور . سائر واجبات شرعیه کبی ، واقعا بوجهتک دخی ارکان جمعیت اولان آباه و یا نظر شرعده او مقامه بکن معنوی و حقیقی ذوات و اشخاصه عائد اولسی اقتضا ایلر . شو سببله که قانون فطرت بونی ایجاب ایلر . زیرا اعقابک تمایلاتنده خیر و صلاح حسیاتی آبادن باشلار . قال رسول الله (صام) « من حق الولد علی الوالد ان یحسن اسمه و کتبه و ادبه » الی آخر الحدیث . و قال « حق الولد علی الوالد ان یعلمه کتاب الله و السباحة و الرمی . » حقوق هر نه جهت و مناسبتدن صدور ایدرسه ایتسون هر حالده حقوق اولدینی ایچون اولاده نسبت و اضافی ماهیت شرعی سنده قارشو بروجهله تأثیری اوله میه جنی کبی ، حقوق الغیر اولمغه دخی مانع اولدیغندن آباه و یا نظر شرعده او مقامه کچمش معنوی ، حقیقی ذوات و اشخاصه عائد اولان حقوق تعلیم و تربیه ایفا اولمقدنجه حقوق الله تماماً یرینه کتورلسه بیله اوزرنده حقوق الغیر قاله حق اولانلر کبی حضور الهیده عتاب و مواخذه اولنور لر .

لکن بر مکلفیتک ایضای امرنده هر شخص اجتهاد مخصوصه کوره حرکت ایتمکدن ممنوعدر . یعنی تعلیم و تربیه نک کیفیت و ماهیتنی ، درجات حقیقیه سنی تعیین ایلک هر شخصک اقتداری داخلنده اولدیغدن شرعک مقتضاسنه اویماز ، احتیاج صحیحه موافق کورلر . بر طریق و مجراده تعلیم و تربیه خدمت و همت ایلان آباء دخی حقوق

اولادی حقیقه ایفا ایتمش صاییه مازلر . آنک ایچون حقوق الغیرک شرعاً یرسنه
کتورلمیسی مطلوب ایسه . که اوله اولق مقتضیدر ، تعلیم و تربیه نك کیفیت و ماهیتی .
حدودینی اربابندن ، اما احکام شرعییه ، اصول و فروعی اعتباریله واقف اولان
ارباب اختصاصدن و نظر صحیح اصحابندن استفسار اتملی و حکومتک دلالت و تعلیماته
تابع اولمی در . و الا حقوق و مکلفیت شرعیه کشیدک عهده سنده قالور .
اتحاد :

ایکی ذات و ماهیتی بر شیدن ، بر حقیقتدن عبارت قیلک که ایکی و آنندن یوقاری
عددده جاریدر . یعنی ایکی ماهیت بر هویته انقلاب ایلسی ضروره تجویز اولمیدینی
حالده ، مجرد اجسام و اجزای عدیده نك اجتماع اتمسی صورتیله ، بعض اهل لغجه
و بریلان معنایه دخی ملایم اوله رق و قوعی بالطبع جاز گوریلور .
متن مواقده علامه عضد ، ماهیتلرک اختلاف و مغایرتی طبیعت مخصوصه لرندن
نشأت و صدور ایلدیگی ایچون بونلرک وقوع اتحادلرینه عقل بشرک بداهه امکان
و احتمال و یرمه جگنی بیان ایله مجرّد تنبیه یولنده دخی محاکمه آتیه نی سرد ایلر :
« ایکی ماهیت ، اتحاد سببیه معدوم اولوبده بونلردن بشقه بر ماهیت حصوله
کلورسه بوراده اتحادک وجودینه مقابل ، ایکی ماهیت یوق اولدی ؛ و بونلردن بسبتون
بشقه بر اوچنجی شی حصوله کلدی دیمک اولور . اتحاد سببیه ایکی ماهیتدن ،
فقط بری معدوم اولق لازم گلسه معنای حقیقیه ینه اتحاد تحقق ایده من . زیرا
معدوم ایله موجودک اتحادی لازم کلور که وجوهله باطل و بطلان عقله گوره
بدیهیدر . بو ایکی صورتک اوچنجیسی اولق اوزره بعدالاتحاد ماهیتلرک ایکسی
دخی موجود اولق جهتی قالور . بو زمان دخی اتحاددن اولکی حال ، یعنی ایکی
ماهیت کماکان باقی اولق اقتضا ایدر که اتحاد وقوع بولماش دیمک اولور . انهی
(مابعدی نسخه تالیفه)

طالب فائقی زاده فهمی

